

Afrekssjóður UMF Stjörnunnar

Skipulagsskrá, útgáfa 4.0

1. grein - Tilgangur sjóðsins

Tilgangur sjóðsins er að styðja við afreksstarf deilda Stjörnunnar með því að veita þeim fjárhagslegan stuðning vegna tilkostnaðar við æfingar og keppni og búa þeim þannig sem besta aðstöðu til að stunda íþrótt sína.

2. grein - Stjórn sjóðsins

Sjóðsstjórn skal skipuð þremur aðilum; formanni, varaformanni og gjaldkera aðalstjórnar. Framkvæmdastjóri félagsins er starfsmaður sjóðsins. Formaður aðalstjórnar er jafnframt formaður afrekssjóðs. Starfsstími sjóðsstjórnar er samhliða aðalfundum UMF Stjörnunnar.

Hlutverk sjóðsstjórnar er að ákvarða styrkveitingar sem grundvallast á skiptingu samkvæmt reglugerð um afrekssjóð. Jafnframt skal sjóðsstjórn hafa eftirlit með því að forsendur sem kunna að verða notaðar til úthlutunar séu samræmdar á milli deilda. Sjóðsstjórn tekur ákvörðun vegna erinda sem snúa að afrekssjóð og útdeilingu fjármagns á milli deilda.

3. grein - Varsla sjóðsins

Vörslu og reikningshald sjóðsins annast framkvæmdastjóri UMF Stjörnunnar. Fjárhagur sjóðsins skal aðskilinn frá rekstri aðalstjórnar og deilda. Endurskoðaða reikninga sjóðsins skal birta árlega á aðalfundi UMF Stjörnunnar.

4. grein – Tekjur sjóðsins

Tekjur sjóðsins eru eftirfarandi:

- Árlegt framlag Garðabæjar til afreksstarfs skv. samningi þar að lútandi
- Framlag Stjörnunnar, ákvarðað af aðalstjórn UMF Stjörnunnar
- Frjáls framlög og söfnunarfé.
- Eiginfjárframlag sjóðsins

5. grein – Afrekshópar Stjörnunnar

Afrekshópur getur verið myndaður af einum eða fleiri einstaklingum sem keppa fyrir hönd félagsins í sinni íþróttagrein á efsta stigi samkvæmt skilgreiningu sérsambands. Aðalstjórn ákvarðar um hvaða hópar eða einstaklingar teljast vera afrekshópar eftir tilnefningu deildar.

6. grein – Reglur um úthlutun úr sjóðnum

Úthlutunum úr afrekssjóði er skipt eftirfarandi þrjá flokka:

A. flokkur. Styrkir vegna grunnkostnaðar (60% - 80% tekna sjóðsins)

Styrkjum vegna grunnkostnaðar er ætlað að stuðla að því að afrekshópar hjá Stjórnunni þurfi að ráðstafa sem minnstu af sínum kröftum í að fjármagna þann þátt íþróttastarfsins sem hlýst af grunnþátttöku í mótahaldi sérsambanda.

Til grunnkostnaðar teljast:

Kostnaður við mótahald, dómgæslu og ferðalög
Búnaður, áhöld og keppnisbúningar
Sjúkraþjálfun
Hlutdeild í kostnaði vegna þjálfunar

B. flokkur. Hvatastyrkir (10% - 30% tekna sjóðsins)

Hvatastyrkir eru ætlaðir til að styðja við innleiðingu og viðhald á samræmdu vinnulagi félagsins sem og frumkvæði við tekjuöflun á kappleikjum afrekshópa með fjölgun greiðandi áhorfenda.

C. flokkur. Afreksstyrkir fyrir unnin afrek (10% -20% af tekjum sjóðsins)

Sjóðsstjórn getur getur ákveðið að styrkja afrekshópa félagsins með sérstökum fjárframlögum vegna unninna íþróttafreka. Styrkjum þessum er ætlað að örva afreksstarf deildanna og verðlauna fyrir sérgreind afrek .

Þau íþróttafrek á efsta stigi sem mögulegt er að verðlauna fyrir eru Íslands- og Bikarmeistararitlar sérsambanda í einstaklings- og hópgreinum.

Ef engin afrek hafa verið unnin á efsta stigi innan félagsins er sjóðsstjórn heimilt að auka hlutföll í a og b flokki innan ársins eða að leggja framlag ársins við höfuðstól sjóðsins til úthlutunar næstu ára.

Fjárhæðarmiðmið vegna afreksstyrks kunna að skerðast hlutfallslega ef framlag ársins til afreksstyrkja verða fullnýtt vegna mikils árangurs.

7. grein – Reglugerð um afrekssjóð

Aðalstjórn setur reglugerð um afrekssjóð sem tiltekur ítarlegri upplýsingar um úthlutun. Reglur um úthlutun skulu vera greinilegar og mælanlegar til að tryggja jafnrétti og gegnsæi. Þær gilda um næstlíðandi tímabil eftir að þær eru settar.

Við ákvörðun upphæða verður að taka tillit fjárhagsstöðu afrekssjóðs. Afreksstyrkir eru eingöngu greiddir til deilda til að styrkja starfið en ekki til leikmanna/iðkenda afrekshópsins.